

§. II.

Vera idcirco Philosophia, quæ non è longinquo solum rationis, sed & è proximiori revelationis speculo universi hujus tum Creatorem, tum Conservatorem, tanquam in certissima hypothese, speculatur ac perspicit, usque adeò, non probabilibus rationum momentis, quin potius, ex ipsis infallibilibus veritatis elementis atque complementis, præsupponit, quod rerum omnium reale principium, revera, Ter idem, Ter alius existat DEUS. DEUS enim hic, cum ex primæ & divinæ veritatis apodixi, nec esse cœperit, nec desinat; cum omnium esse eminenter habeat, nullamque potentiam ad non esse contineat; non poterit non, summo & maximo suo merito, ex *Illustriss. Scaligeri epicrifi, Exercit. 365. Sect. 2.* conformi Spiritus Sacro S. hypothese, *αὐταυτὸς, αὐτεφύης & αὐτογενής* inscribi: Ipsique unice, distinctè non minus ac propriè, vindicari & applicari *Milesii* de vero principio judicium potest, quod scilicet *μη' ἀρχὴν ἔχων, μήτε τέλος.* vid. *Diog. Laert. in Milesii vita.* Quapropter, cum primum atque Trinum hoc, convenienti Theosophorum omnium consensu, sit principium: idcirco nos, pro unico, universi hujus systematis exordio veneremur atque exordio: in ipso hoc principio, principium, ejusque naturam ostendemus, dum imprimis videbimus, qua ratione & consideratione, Genitor & Genitus principium, Genitus & Spiritus esse & dici principiata, vel queant, vel nequeant. Exemplar enim (principii) perfecti perfectæque sapientiæ habentes, facilius, (secundum illius Philosophorum Phosphori monitum) facilius quæ bona nobis sunt, intelligemus, vid. *Aristot. I. Ethicor. cap. IV.*

§. III.

I. Quo igitur pari cum facilitate, quod de principio hoc *ἰδιου- σαύτω*, atque principiato *συαίδιω*, consignare fert animus, succedant; *ὡς ἐν προπυλαίῳ*, quæ, quævaliaque principia excludamus, quævalè propriè in hoc mysterio admittamus, prænotemus: Et cum principii terminus, *ἐκ τῶν ποδλαχῶς καὶ πσσαχῶς λεγομένων* sit, resectis atque rejectis variis, tum apud *Damascen: in Dialog. contr. Manich.* tum apud *Philosophum, Lib: IV. Metaph. c. I. & Lib. V. de generatione animal. c. 7.* obviis acceptionibus variisque divisionibus, unice, essendi principium in genere, ad præsentis diatribæ materiam seligemus. Apprime nimirum hinc observantes, quod *Nazianz. IV. de*

I.
De Prin-
cipio.

IV. de